

Poziv za dostavljanje radova

Implementacija Konvencije Vijeća Europe o sprečavanju i borbi protiv nasilja nad ženama i nasilja u obitelji u Bosni i Hercegovini

Juni 2019 - Univerzitet u Sarajevu

Radionicu organizuju Pravni fakultet Univerziteta u Sarajevu, Institut za istraživanje zločina protiv čovječnosti i međunarodnog prava u saradnji sa Pariškim centrom za ljudska prava (CRDH) Panthéon-Assas Univerziteta (Francuska). Cilj radionice je interdisciplinarna analiza implementacije Konvencije Vijeća Europe o sprečavanju i borbi protiv nasilja nad ženama i nasilja u obitelji (Istanbulska konvencija) u Bosni i Hercegovini. Poziv je otvoren za sve bosanskohercegovačke i međunarodne naučnike/ce, istraživače/ice i stručnjake/inje iz prakse.

Osmog marta 2013. godine Bosna i Hercegovina je potpisala Istanbulsku konvenciju, koja je stupila na snagu prvog augusta 2014. godine. Kao pravni akt o ljudskim pravima, Istanbulska konvencija ima za cilj pojačanu obavezu država potpisnica u borbi protiv rodno zasnovanog nasilja i nasilja u porodici.

Pet godina od stupanja na snagu Konvencije, u septembru 2019. godine početi će izrada izvještaja BiH za Grupu eksperata Vijeća Evrope za borbu protiv nasilja nad ženama i nasilja u porodici – GREVIO zaduženih za monitoring i implementaciju. U ovom kontekstu, na radionici će se objediniti znanja nacionalnih i međunarodnih istraživača/ica (iz oblasti prava, političkih nauka, itd.), stručnjaka/inja iz prakse (javnog i nevladinog sektora i sl.) u pogledu implementacije materijalnih i proceduralnih obaveza proisteklih iz Istanbulske konvencije.

Poziv za dostavljanje radova odnosi se na sljedeće oblasti:

1. Opći kontekst: Integracija Istanbulske konvencije u pravni sistem Bosne i Hercegovine

Imajući u vidu osnove i ciljeve Istanbulske konvencije prvo pitanje vezano je za kontekst njenog usvajanja u BiH. Potrebno je dati pregled fenomena nasilja nad ženama u BiH (pitanja rasprostranjenosti, tipologije, uzroka, itd.) kao i procjenu primjene Konvencije. U svjetlu postojećeg stanja u vezi sa nasiljem nad ženama, postavljaju se pitanja: obaveza proisteklih iz Istanbulske konvencije – sprječavanje nasilja, zaštita žrtava i procesuiranje počinitelja te instrumenata krivičnog i građanskog zakonodavstva, politika, akcionih planova i strategija, kampanja podizanja svijesti, finansiranja, partnerstva sa tijelima i institucijama Vijeća Evrope i drugih međunarodnih organizacija.

2. Nekada i sad: Implementacija Istanbulske konvencije u svjetlu seksualnog nasilja tokom rata na prostoru bivše Jugoslavije

Istraživanja rodno zasnovanog nasilja u Bosni i Hercegovini nesporno propituju poseban historijski kontekst BiH. Nakon identificiranja i procjene mjera implementiranih od strane BiH u vezi sa prevencijom, zaštitom i suzbijanjem rodno zasnovanog nasilja bit će potrebno sveobuhvatno odgovoriti na sljedeća pitanja:

Da li implementacija Istanbulske konvencije nosi određene specifičnosti u odnosu na implementaciju u drugim državama uzimajući u obzir historijski kontekst i više od 20 000 slučajeva seksualnog nasilja nad ženama u Bosni i Hercegovini tokom rata? Koje su to specifičnosti?

Odgovori na ova pitanja podrazumjevaju iscrpne podatke i kritički osvrt na preduzete mjere i mehanizme odgovora na fenomen seksualnog nasilja u ratu, kao i uvođenje metodologija u tu svrhu.

3. Komparativna perspektiva: bosanskohercegovačko iskustvo i iskustva drugih zemalja u implementaciji Istanbulske konvencije

Da li bosanskohercegovačko iskustvo može služiti kao osnov primjene Konvencije u drugim zemljama koje imaju slična iskustva, odnosno i za sve ostale zemlje potpisnice? Također, da li iskustva implementacije drugih država mogu biti osnov za implementaciju Istanbulske konvencije u BiH?

Izbor radova za objavljivanje će biti naknadno izvršen.

Mjesto održavanja: Pravni fakultet Univerziteta u Sarajevu,

Obala Kulina bana 7, Sarajevo, Bosna i Hercegovina.

Datum održavanja: 19. juni 2019.

Uslovi za prijavu:

Radovi se dostavljaju na: engleskom, francuskom ili bosanskom jeziku

Poziv je otvoren za sve bosanskohercegovačke i međunarodne istraživače/ice i stručnjake/inje iz prakse, javne službenike/ce, NGO sektor i sl.

Sažetak rada je do 3000 karaktera uključujući literaturu

Uz prijedlog rada potrebno je dostaviti kratki CV autora/ica

Adresa za dostavu sažetaka/radova: **conventionistanbul2019@gmail.com**

Rok za dostavu je 07. april 2019.

Lista izabranih radova će biti objavljena 22. aprila 2019.

N.B.: Organizatori ne snose troškove putovanja i smještaja.

Kontakt Naučnog i koordinacionog odbora: conventionistanbul2019@gmail.com

Naučni i koordinacioni odbor:

- Samra Filipović-Hadžiabdić, direktorica Agencije za ravnopravnost spolova BiH
- Doc. dr. Midhat Izmirlija, Katedra za državno i međunarodno javno pravo Pravnog fakulteta, UNSA
- Doc. dr. Džamna Duman, Katedra građanskog prava Pravnog fakulteta, UNSA
- Dr. Sabina Subašić, viša naučna istraživačica na Institutu za istraživanje zločina protiv čovječnosti i međunarodnog prava, UNSA
- Lamija Muftić, istraživačica na Institutu za istraživanje zločina protiv čovječnosti i međunarodnog prava, UNSA
- Wendy Carazo Mendez, doktorandica, Paris Human Rights Center, University of Panthéon-Assas
- Victoria Bellami, doktorandica, Paris Human Rights Center, University of Panthéon-Assas